



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUO YA GAE (HL)

PAMPIRI YA BORARO (P3)

TLHAKOLE/MOPITLWE 2014

MADUO: 100

NAKO: 2½ diura

Pampiri e, e na le ditsebe di le 6.

DITAELO

1. Pampiri e, e arogantswe ka DIKAROLO di le THARO, e leng A, B le C.

KAROLO YA A:	Tlhamo	(50)
KAROLO YA B:	Ditlhengwa tse dileele tsa tirisano	(30)
KAROLO YA C:	Ditlhengwa tse dikhutshwane tsa tirisano	(20)
2. Araba potso e le NNGWE go tswa mo karolong e NNGWE le e NNGWE.
3. Kwala ka puo e o lekanyediwang ka yona.
4. Simolola KAROLO e NNGWE le e NNGWE mo tsebeng e NTŠHWA.
5. Rulaganya tiro ya gago sk. mmepe wa dikakanyo/papetlana/dintlhakgolo, jalojalo, tlhotlha diphoso le go baakanya tiro ya gago gape. Lethomeso le tshwanetse go dirwa PELE o kwala tlhamo.
6. Thulaganyo ya gago e bonale sentle mme o thale mola o o kgabaganyang go supa fa e le ipaakanyo.
7. O gakololwa go dirisa bonnye metsotso e le 80 mo go KAROLO A, metsotso e le 40 mo KAROLO B le metsotso e le 30 mo KAROLO C.
8. Karabo NNGWE le NNGWE e nomoriwe go ya ka mokgwa o ditlhogo kgotsa dipotso di tlhagelelang ka ona.
9. A karabo e NNGWE le e NNGWE e fiwe setlhogo se se maleba.
10. **ELA TLHOKO:** Setlhogo se se ka sa akarediwa mo palong ya mafoko a a tlhokegang.
11. Kwala ka mokwalo o o phepa e bile o bonala sentle.

KAROLO YA A: TLHAMO**POTSO 1**

Kwala tlhamo ya bolele jwa mafoko a a ka nnang 400–450 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo se se maleba. O se ka wa lebala go thala letlhomeso kana lenaneopaakanyo pele o kwala.


- | | | |
|-----|--|------|
| 1.1 | Go ipelaetsa ga barutabana ka nako ya dithuto. | [50] |
| 1.2 | Aforikaborwa, sentlhaga sa diritibatsi. | [50] |
| 1.3 | Tirogae mo dikolong e tshwanetse go fedisiwa. Dumela kgotsa o ganetse tlhagiso e. | [50] |
| 1.4 | Fa nka nna moeteledipele wa mokgatlho wa barutabana ... | [50] |
| 1.5 | Modiri o a lebala, modirwa ga a lebale. | [50] |
| 1.6 | Ruri, lefatshe le senyegile. | [50] |
| 1.7 | Setshwantsho se se fa tlase se ka tsosolosa maikutlo a a rileng mo go wena. Kwala tlhamo ka ga sona. | |



[Polelo ke lehumo, M Maja le ba bangwe]

[50]

- 1.8 Setshwantsho se se fa tlase se ka tsosolosa maikutlo a a rileng mo go wena.
Kwala tlhamo ka ga sona.



[Polelo ke lehumo, M Maja le ba bangwe]

[50]

PALOGOTLHE YA KAROLO YA A:

50

KAROLO YA B: DITLHANGWA TSE DILEELE TSA TIRISANO**POTSO 2**

Araba potso e le NNGWE fela mo karolong e. Karabo e nne bolele jwa mafoko a a ka nnang 180–200 (diteng fela).

2.1 LEKWALO LA SEMMUSO

Lo ne lo ile go keteka letsatsi la motantsho wa materiki kwa nngweng ya dihotele tse di mo tikologong ya gaeno. Maitsholo a baithuti-ka-wena a ne a sa jese diwelang. Kwalela molaodimogolo wa lefelo leo lekwalo o mo kope maitshwarelo le go mo itsise gore lo ikaelela go siamisa dilo jang.

[30]

2.2 ATHIKELE

O kgatlhanong le mokgwa o baithuti ba itshotseng ka ona wa go sa tlotle barutabana le go sa dire tiro ya sekolo. Kwala athikele e e tlaa phasaladiwang mo makasineng wa sekolo ka setlhogo se: Bokamoso jwa bana ba mmala wa sebilo.

[30]

2.3 DIPOTSOTHERISANO

O moreetsi yo mogolo wa seteišene sa Motswedeng. Kwala dipotsotherisano tse o nnileng le tsona le motsamaisi wa seteišene ka ga mananeo, bagasi le diphetogo tse o batlang di diragadiwa mo seteišeneng sa gago se o se ratang.

[30]

2.4 PEGELO

Sekaseka setshwantsho se se latelang, mme morago o kwale pegelo ka ga khonferense ya boditšhabatšhaba ka ga diritibatsi e e neng e tshwerwe fa gautshwane.



[Setswana Tota, ME Serobatse le ba bangwe]

[30]

KAROLO YA C: DITLHANGWA TSE DIKHUTSHWANE TSA TIRISANO**POTSO 3**

Araba potso e le NNGWE fela mo karolong e. Karabo e nne bolele jwa mafoko a a ka nnang 100–120.

3.1 BUKATSATSI

Kwala bukatsatsi ya malatsi a le marataro a mo go ona lo neng lo tsenetse dithutotlaleletso tsa go ipaakanyetsa ditlhathlobo tsa makgaolakgang.

[20]


3.2 DITAELO

Bagolo ba gago ba tlaa bo ba ya go fitlha rraagomogolo mo mafelong a beke. Jaaka o le yo mogolwane, o laetswe go sala o tlhokometse bana fa ba tlaa bo ba se teng. Kwala ditaelo tse o laetsweng go di diragatsa.

[20]

3.3 POSEKARATA

Leba setshwantsho se se latelang mme morago o kwale posekarata e mo go yona o itsiseng batsadi ba gago ka ga dikgaisano tsa mmino wa setso tse o neng o ile kwa go tsona.



[Setswana Tota, ME Serobatse le ba bangwe]

[20]

PALOGOTLHE YA KAROLO YA C: 20
PALOGOTLHE: 100